

Ang Pagsakgaw

"...Kay ang Ginoo gayud mao ang manaug unya gikan sa langit inubanan ug singgit sa pagsugo, ug sa tawag sa punoan sa mga manolunda, ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon; ug kita nga mga buhi pa nga mahabilin, pagasakgawon ngadto sa mga panganud uban kanila sa pagsugat sa Ginoo diha sa kahanginan; ug sa ingon niini kita magapakig-uban na sa Ginoo sa tanang panahon..." (I Mga Taga Tesalonica 4: 13-18).

Pamati sa gisulti sa Propeta sa Dios bahin niini:

Ngadto sa Iglesia, ang Pangasaw-onon, ang pagsakgaw usa ka pagpadayag ngadto kaniya. Gipadayag kini ngadto kaniya, nga ang pagpadayag, ang tinuud nga Pangasaw-onon ni Kristo maghulat alang nianang pagpadayag sa pagsakgaw. Karon, kini usa ka pagpadayag, kay ang pinadayag mao ang pagtuo (*Heb. 11: 1*). Dili ka makabaton sa usa ka pagpadayag kung walay pagtuo. Ang pagtuo mao ang usa ka pagpadayag, tungod kay kini usa ka butang nga gipadayag kanimo. **Ang pagtuo usa ka pagpadayag.** Ang pagtuo usa ka butang nga gipadayag kanimo sama kang Abraham, nga mahimong motawag sa bisan unsa nga sukwahi sa gipadayag kaniya nga ingon nga dili kini mao (*Roma 4: 13-21*). Mao kana kung unsa ang pagtuo, mao ang pagpadayag sa Dios. Ang iglesia gitukod sa usa ka pagpadayag, ang tibuuk nga lawas (*Mat. 16: 13-19; Gal. 1: 11-12*). ^[1]

Ang bag-ong pagkahimugso mao si Cristo, usa ka pagpadayag. Gipadayag sa Dios kanimo kining dakung tinago, ug mao kana ang bag-ong pagkatawo. Karon, unsa ang imong buhaton kung imong matipon ang tanan nga grupo, diin ang pagpadayag hingpit nga nagkauyon, ug gipahayag kini sa Dios pinaagi sa Iyang Pulong pinaagi sa parehas nga mga aksyon, parehas nga mga butang nga Iyang gibuhat, nga mapadayag ang Pulong? **Oh, kung nahibal-an sa Iglesia ang posisyon niini! Kini sa moabut nga adlaw. Unya, ang pagsakgaw mahitabo sa dihang kini mahibaloan kung unsa kini.** ^[2]

Ang oras haduol na. Ayaw na paghulat. Nakita ninyo, **giunsa nimo pagkahibalo nga dili mahitabo ang pagsakgaw sa tanan nga panahon? Una nga butang nga imong mahibaloan nga kini miagi na, usa ang nawala dinhi, ug didto.** Kini mahanaw sa una nga butang nga imong nahibal-an, ug ang paghukom mohampak sa kalibutan.

Moingon ka, "Buyno, gihunahuna ko kini ..." "ulahi na kaayo kini karon." Nahinumduman mo, wala sila nahibalo niini hangtod sa adlaw nga misulod sila sa arka, ug kini ulahi na kaayo (*Mat. 24: 37-42*). Ang buangbuang nga ulay wala

makahibalo hangtud nga siya mibalik ug nakit-an nga ang maalam nga ulay wala na. Unya siya nahibilin alang sa panahon sa kalisdanan (*Mat. 25: 1-13*). ^[3]

Buyno, mao kana ang paagi sa mga butang sa Dios. Human nga ikaw misalig Kaniya, ug nakakita Kaniya nga nagbuhat sa daghang mga butang hangtod nga nahimo kini nga sama sa **naandan nga kalihokan**. Ug mao kana ang kahimtang nga akong gitoohan nga ang Iglesia maanaa sa dili pa moabut ang Ginoo. Busa mao kana nga ang Pagsakgaw mahitabo ra niana nga paagi. Kini usa ka naandan nga lihoc sa mosunod nga mga Kasulatan ug mga plano sa Dios. ^[4]

Gusto namo makadawat sa makasakgaw nga grasya. Gusto namo nga makahimo sa dihang kanang misteryoso nga dalugdug modalugdog, ug ang Iglesia pagasakgawon, gusto namo nga andam nga makadawat niini, Ginoo. Tugoti kini. Sulayi kami, Ginoo, pinaagi sa Imong Pulong. Atong susihon Kini, ug kung atong makaplagan nga napakyas kita ... ^[5]

Ug naghigot ka bahin sa usa ka Iglesia alang sa makasakgaw nga grasya, kini mahinabo kung mahimo natong gubaon ang atong mga tradisyon, makalimtan ang tanan natong denominasyon nga mga butang, ug makabalik dayon sa basehanan sa Pulong sa Diyos. ^[6]

Pito ka mga dalugdug sa pinadayag... (*Pin. 10: 1-4*). Hinaut nga ipakita Niya ang Pangasaw-onon kung unsaon ang pagpangandam alang sa dakong makasakgaw nga pagtoo.

Karon, atong pangitaon ang mga simbolo. Atong nahibal-an kung unsa ang gipasabut sa dalugdog. Kana sa hingpit; atong mahibaloan kana. Kita n'yo? **Ang dalugdog mao ang Tingog sa Dios sa dihang ang Timri giablihan** ^[7]

Panahon na ba kini? Nahuman na ba tanan ang misteryo? Ang pagtingog natapus na ba tanan? Mao ba kana ang pito ka mga dalugdug nga andam mosulti sa usa ka butang nga ang gamayng panon **nga Iyang gitigom nga maghiusa makadawat sa usa ka makasakgaw nga pagtuo nga moadto sa pagsakgaw sa dihang Siya moabut**; kay kita mausab sa kalit sa dihang moabut ang mga Manulonda: sa usa ka daklit, sa usa ka pagpilok sa mata, ug pagasakgawon kauban ang mga nangatulog aron makigkita sa Ginoo sa kahanginan (*I Cor. 15: 51- 54*).

Ang akong pag-ampo mao: Dios kung mao kini, wala ako mahibalo Ginoo; gisuginlan ko lang ang iglesia. Kung mao kini, Ginoo, **andama ang among mga kasingkasing. Andama kami, Ginoo, alang nianang dakung oras aron ang tanan nga kasaysayan sa panahon, ang tanan nga mga propeta ug mga makinaadmanon nga nangita niadtong panahona.** ^[8]

Ug sa katapusan sa Pentekostal nga kapanahonan gitoohan nga kita modawat, sumala sa Pulong, ingon nga tabangan ako sa Dios nga ipakita kaninyo pinaagi dinhi, nga kita modawat ug usa ka mensahero nga kuhaon ang tanan nianang wala magkadugtong nga mga tumoy didto **ug ipadayag ang tibuuk nga tinago sa Dios alang sa pagsakgaw sa Iglesia** (*Mal. 4: 5-6; Pin. 10: 7*).

Ug unya moabut ang pito ka misteryosong dalugdog nga wala nahisulat gayud. Husto kana. Ug ako nagtuo nga pinaagi sa pito ka mga dalugdog nga ipadayag sa katapusan nga mga adlaw aron magkahiusa ang Pangasaw-onon alang sa makasakgaw nga pagtoo; tungod kay kung unsa ang atong nakuha karon,

dili nato kini mahimo. **Adunay usa ka butang nga kinahanglan buhaton nato nga lakang sa unahan;** kita halos walay igo nga pagtuo alang sa Langitnon nga pagpang-ayo. **Kinahanglan kita makabaton ug igong pagtoo nga mausab sa usa ka gutlo ug mawala gikan niining yuta.** ^[7]

Ug Amahan, daghang mga butang ang mahimo nga isulti dinhi karon; tingali wala makasabut ang iglesia. Apan nag-ampo ako nga hatagan Mo sila sa ingon sa usa ka pangandoy alang niini, Ginoo, nga sila moabut ug makita nga kami ania na sa katapusan nga panahon, ang kapanahonan sa astronaut.

Nag-ampo ko, Amahan, nga ilang maamgohan nga dili kini paghukom sa ilang nabatonan; **kini pagpaningkamot lamang nga mahatagan sila sa labi pa nga makasakgaw nga grasya. Kay moabut ang takna nga atong gikinahanglan nga makabaton ug gahum sa pagsakgaw, dili lang sa pag-ayo sa lawas apan sa pag-usab niini sa kalit sa usa ka pagpamilok. Si Kristo mahimong tinuod gayud ngadto sa ilang mga lawas, hangtod nga mabag-o Niya kini pinaagi sa Iyang dako nga kamatayon ug kung unsa ang Iyang gipalit.** Hinaut nga kuhaon nila kini karon, kanang Timaan nga akong nahisgutan (ang kinabuhi ni Jesu-Cristo), huptan Kini sa ilang atubangan ug molakaw ngadto niining Astronaut (Tugoti kini, Amahan.). Diin ang mga panan-awon, mga gahum, ug mga kalibutan lagpas sa unahan, nahibal-an, ug, O Dios, **diin ang tanan nga mga dagko nga misteryo sa Dios nabuksan diha nianang Pito ka Timri ug gipahibalo sa mga tawo.** Itugot kini, Amahan. ^[9]

Ug nangita ako sa usa ka panahon sa pagtungha sa Espiritu sa Dios niining mga katapusang mga adlaw nga atong gipuy-an karon, **alang sa lain nga pagdagsang sa Balaang Espiritu ngadto sa Iglesia alang sa usa ka makasakgaw nga pagtuo, sa dili pa kini moabut.** Ug ang tanang mga butang nga diretso nga gihan-ay alang niana. Ug nagatoo ako nga karon ania na kita sa panahon nga ang Pulong kinahanglan mahimong labaw. Nagatoo ako nga panahon sa pagsalikway sa atong mga kredito ug mga hunahuna ug mobalik sa Pulong ... ^[10]

Gimando niya kining mga butang nga mahitabo, ug kinahanglan Niya nga ipadala kini. **Ang nahauna nga butang moabut sa diha nga Siya magsugod sa pagkanaog gikan sa langit, adunay singgit (1 Thess. 4: 13-18).** Unsa man kana? **Kini usa ka Mensahe aron mahiusa ang mga tawo.** Una ang usa ka mensahe, **ang buhi nga Tinapay sa Kinabuhi nga nagdala sa Pangasaw-onon (Juan 6:51).** Karon, **"Ang panahon sa paghinlo sa lampara.** Bangon ug hinloi ang imong mga suga." (*Mat. 25: 1-13*). Unsa man nga hugna sa pagbantay kana? Ang ikapito, dili ang ika-unom, ang ikapito. "Tan-awa ang Pamanhonon moabut. Bumangon ug hinloi ang imong mga suga." Ug gibuhat nila kini. Ang uban kanila nakit-an nga wala'y bisan unsa nga lana sa ilang suga. Nakita ninyo? Apan kini panahon sa pag-ayo sa lampara. Kini ang Malaquias 4 nga panahon kung ikaw moabut... Kini ang Lukas 17. Tanan kana nga mga panagna nga mahimo kini - hingpit nga gihan-ay alang niining adlaw diha sa Mga Kasulatan, atong makita kini nga nagpuyo dinha mismo.

Ang nag-unang butang mao ang usa ka singgit, ug unya ang usa ka tingog, ug unya ang usa ka trumpet. Singgit, usa ka mensahero nga nagapaandam sa mga tawo... **Ang ikaduha usa ka tingog sa pagkabanhaw.** Ang mao ra nga tingog nga, **usa ka makusog nga tingog sa San Juan 11: 38-44 nga nagtawag kang Lazaro gikan**

sa lubnganan. Paghiusa sa Pangasaw-onon, ug pagkahuman mabanhaw ang mga patay, aron masakgaw uban niini. Karon, tan-awa ang tulo nga mga butang nga nagakahitabo.

Unsa ang sunod? Mao ang usa ka trompeta. Usa ka singgit, usa ka tingog, ug usa ka trompeta. Karon, **ang ikatulo nga butang mao ang usa ka trompeta, nga kanunay sa Pista sa mga Trumpeta nga nagtawag sa mga tawo ngadto sa pista;** ug mao kana ang panihapon sa Pangasaw-onon, panihapon sa **Kordero kauban ang Pangasaw-onon diha sa kalangitan** (*Mat. 26: 26-30*).

Usab: nakita ninyo, ang una nga mga butang nga moabut mao ang Iyang Mensahe nga maghiusa sa Pangasaw-onon. **Ang sunod nga butang mao ang pagkabanhaw sa natulog nga Pangasaw-onon, ang nangamatay sa ubang mga kapanahonan** (*I Cor. 15: 51-58*). Gisakgaw sila, ug ang trompeta, ang fiesta sa kalangitan - sa kalangitan. Ngano, mao kana ang butang nga mahitabo, mga higala.

Kita andam na gayud niana karon. **Ang bugtong butang, ang iglesia nga migula kinahanglan nga mabulad sa adlaw aron mahinog.** Ang dakung kombinasyon moabut sa ulahi. Ang mga trigo pagasunogon, ang mga tuod, apan ang lugas pagatigumon kini ngadto sa dapa (*Mat. 13: 24-30, 36-43*). ^[1]

Oh, ug nahinumdom ako sa dihang Siya mikunsad didto nianang dako nga Kahayag, nga nagatindog didto sa sapa, 1933, sa Hunyo, sa **dihang Siya miingon, "Ingon nga si Juan Bautista gipadala ug nag-una sa unang pag-anhi ni Cristo, ipadala Ko ikaw uban ang usa ka Mensahe ngadto sa kalibutan aron pag-una sa ikaduhang pag-anhi ni Kristo."** Ug sa tibuuk kalibutan siya miadto, sa dihang ang pagkapukaw nagdilaab sulod sa napulog lima ka tuig sa halos sa matag bukid.... Ang Langitnon nga kaayohan latas sa tibuuk nga mga nasud, ug ang gahum, ug pagpahiuli... Ug karon, **nagtuo ako nga andam siya nga ipadapat kanang panghinapos nga katapusan sa labing taas sa pagpatungha sa usa ka pagtuo nga makasakgaw sa Iglesia ngadto sa himaya** (Kini ang kamatuoran.), **ug Siya nagpahimutang sa Mga Mensahe.** Ania gyud kita sa katapusang panahon. Gihisgutan nato kini ug ang tanang butang, apan ang butang nagapalihok kanato karon. Patalinghugi sila! ^[11]

Nagatoo gyud ako, sa dili pa masakgaw ang iglesia, kinahanglan kini nga makabaton sa makasakgaw nga pagtuo. Kita halos makabaton sa Langitnon nga kaayohan, labi na ang **makasakgaw nga pagtuo.** Kinahanglan nga adunay usa ka hugot nga pagtuo nga magbag-o ug makapabuhi niini nga lawas, ug pagasakgawon. Nagatoo ako nga adunay usa ka iglesia nga anaa sa iyang dalan karong gabhiona, **usa ka gahum sa buhi nga Dios, nga mosulti ang mga tawo sa Pulong dinhi ug didto, ug kini mokidlap sama sa kilat.** Ug mogula ang usa ka iglesia, dili usa ka sikolohista, dili pipila niini nga pagtakoban, pagpatuotuo; **apan usa ka tinuud, matuod, dinihogan nga Espiritu Santo, gitawag-pagula nga iglesia.** ^[12]

Ang tanan nga gikinahanglan nato alang sa yutan-on nga panaw: Langitnon nga kaayohan, gahum sa Dios, ug tanan niining uban pang mga butang **anaa sa matag tawo dinhi nga nakadawat sa bautismo sa Espiritu Santo,** kay natanum ikaw diha kang Kristo. Hallelujah. **Ang bautismo sa Espiritu Santo** (*Efe. 4: 4-6*), oo, sir, **ug tanan nga gikinahanglan nimo alang sa panaw niining kinabuhi, bisan ang pagsakgaw nga anaa diha gayud kanimo.** Dili ka mosupak niana? Mao kana ang

kamatuoran. **Ang pagsakgaw ania sa sulod kanato karon.** Pamatud-an ko kini pinaagi sa Maayong Balita. "Kadtong Iyang gitawag Iyang gipakamatarung, ug kadtong Iyang gipakamatarung, gihimaya Niya." Hallelujah. **Unya sa langit karon kita gihimaya diha sa presensya sa Dios karon gayud** (*Roma 8:30*). ^[13]

Nabatonan ni Moises ang Pulong. Mao kana ang tanan nga kinahanglan niya mao ang Pulong. Mao kana ang tanan nga kinahanglan nimo karon. Dili kini kredensyal gikan sa pipila ka simbahan. Dili nimo kinahanglan ang usa ka denominasyon aron masuportahan ka. **Kinahanglan nimo ang Pulong aron makuha ang pagsakgaw uban Niini.** Dili nimo kinahanglan ang pipila ka kredensyal. Dili nimo kinahanglan ang taas nga kasaysayan sa pipila ka eskwelahan aron mamaayo karong buntag. **Kinahanglan nimo nga dawaton ang Pulong; nga magabuhat niini.** ^[14]

Apan ang Iglesia sa buhing Diyos, nga ang Pangasaw-onon nagpadayon gayud sa paglihok. Ug **Siya moadto sa pagsakgaw pinaagi sa Pulong** (Husto kana.); **ang Pulong ug ang Pulong magkahiusa.** Kung bahin kita ni Cristo, bahin Niini, kinahanglan nga kita makabaton sa Iyang Pulong, tungod kay Siya ang Pulong (*Mga Taga-Efeso 5: 30-32*). Husto kana. Oo, sir. ^[15]

Ingon sa nahibal-an nato karon, maingon sa usa ka tawo nga nangutana kanako pipila ka mga higayon ang milabay bahin sa pag-anhi ug sa pagsakgaw. Nahibalo kita nga nagkinabuhi kita sa panahon. **Haduol na ang panahon sa pagsakgaw. Ug kita nagapaabut sa usa ka makasakgaw nga pagtuo nga makahimo sa paghiusa sa mga simbahan ug hatagan kini sa usa ka gahum nga labaw sa kinaiyahan nga makapausab niining mga lawas nga atong gipuy-an.** Nakita nato ang usa ka Dios nga makapabangon sa mga patay gikan sa salog, o sa gawas sa nataran, ug ibalik kaniya ang kinabuhi, ug ipakita siya sa atong atubangan. Sa dihang nakakita kita sa usa ka Dios nga makakuha sa usa ka kanser nga mokaon sa usa ka tawo ngadto sa usa ka animo, ug gibangon siya ngadto sa usa ka kusgan nga himsog nga tawo, **angay nga kana makahatag sa usa ka makapasakgaw nga pagtuo sa mga tawo.** Nga kung kana nga Kahayag magadan-ag gikan sa langit, ug sa tingog sa trompeta, ang Lawas ni Kristo dali nga magkatigum, ug mausab sa usa ka daklit, ug dad-on sa kalangitan. ^[16]

Apan ang sala mao ang nagapahilayo kanimo niining mga butang nga kinahanglan imong mabatonan. **Kini ang sala nga nagpugong sa iglesia gikan nianang pagsakgaw nga kahintang sa tanan nga panahon.** Mao kini ang sala, dili ang gambalay, dili ang iglesia, apan ang sala nga naa sa iglesia. ^[17]

Unsa man ang nahimo niini sa atong adunay kamatayon nga lawas? Nagpausab sa atong opinyon, nagbag-o sa atong mga ideya. Gipunting niini ang atong mga pagbati sa mga butang nga naa sa itaas (*Col. 3: 1-4*), ug ang pagpanigarilyo, pag-inom, pagsugal, mga butang nga kaniadto imong gibuhay patay na. Anaa kini sa ilawom kanimo, ug ikaw gibuhay, ug kining makapabuhay nga gahum **nagdala sa imong lawas ngadto sa usa ka makapasakgaw nga kahintang.** ^[18]

Dili ba kita malipayon? Wala kitay butang nga kabalak-an, walay usa ka butang. Kita nakaangkla diha kang Kristo, nga naglingkod diha sa langitnon nga mga dapit, **nalalin diha sa makasakgaw nga grasya karon, nga nagpahimutang sa**

Iyang Presensya sa langitnon nga mga dapit diha kang Cristo Jesus (*Mga Taga-Efeso 2: 6*). Ang kamatayon mismo dili makatandog kanato: walay makapahilayo, wala'y makapagubot kanato, sa yano ra nga nakasigurado ug maghulat sa Iyang pag-anhi. Ug pasalamaton kita alang niini. ^[19]

Kana ang hinungdan nga ako nagtuo nga sa dihang ang Pangasaw-onon gitawag-pagawas ug gipili ug gibutang sa Basahon sa Kinabuhi, **adunay tingog gikan sa langit nga magabutang sa bautismo sa Balaang Espiritu ngadto sa Pangasaw-onon nga kuhaon Siya gikan sa yuta sa usa ka makasakgaw nga grasya. Gisaad kini sa Dios.** ^[20]

Reference:

[1] "The Rapture", par. 65, 129-130, 140-141, 152-155 (pg. 14, 29, 32) / [2] "Christ Is The Mystery Of God Revealed", pg. 37-38 / [3] "God Hiding Himself In Simplicity" (63-0412), par. 302-304 / [4] "Balm In Gilead" (59-1124), par. 6 / [5] "Second Seal", Seal's Book pg. 225 / [6] "World Falling Apart" (63-1115), par. 193 / [7] "First Seal", pg. 128, 155 / [8] "Is This The Sign Of The End, Sir" (62-1230), pg. 51 / [9] "Countdown" (64-0209), par. 95-96 / [10] "The Token" (63-1128), par. 24 / [11] "Absolute" (62-1230M), pg. 35 / [12] "Israel And The Church 4" (53-0328), par. 79 / [13] "Lord Show Us The Father And It Sufficeth Us" (53-0907A), par. 85-86 / [14] "Proving His Word", par. 106 / [15] "World Is Again Falling Apart" (63-1127), par. 146 / [16] "Why Cry Speak" (63-0714M), par. 49 / [17] "Painted Face Jezebel" (56-1005), par. 44 / [18] "The Easter Seal", par. 112-113 / [19] "Perseverance" (63-0113), par. 12 / [20] "Three Kinds Of Believers", par. 97

Gipadayag nga Pulong niini nga takna, gihugpong ni: Gerd Rodewald, Friedenstr, 69, D-75328 Schömburg, Germany. www.biblebelievers.de, Fax: (+49)72353306

Gihubad gikan sa English ngadto sa Cebuano ni Brother Sammy Durano, 319-A, Purok Maunlad, Buayan, General Santos City. Cp # 0919-898-5252, 0926-036-3663

Adunay moabut nga magadala sa Mensahe nga gikan gayud sa Biblia, ug sa dinalian nga tahas molibut sa kalibutan. Ang mga binhi mabutang sa mga pamantalaan, basahong mga butang, hangtud ang tanang gipili nang daan nga Binhi sa Dios makadungog Niini. [Si Brother Branham sa iyang "Conduct-Order-Doctrine" pahina 724]